

主編 湯重南

(第十四冊)

日本史籍善本合刊兩種

大日本史
日本野史

綫裝書局

日本史籍善本合刊兩種

大日本史

(本卷四十二冊)

第十四冊

卷一百七十二	列傳第九十九	三
卷一百七十三	列傳第一百	五一
卷一百七十四	列傳第一百一	八七
卷一百七十五	列傳第一百二	一〇九
卷一百七十六	列傳第一百三	一三九
卷一百七十七	列傳第一百四	一六九
卷一百七十八	列傳第一百五	二三九
卷一百七十九	列傳第一百六 將軍一	二六一
卷一百八十	列傳第一百七 將軍二	二九一
卷一百八十一	列傳第一百八 將軍三	三三三

卷一百八十二 列傳第一百九 將軍四 三六五

卷一百八十三 列傳第一百一十 將軍五 三八七

卷一百八十四 列傳第一百一十一 將軍六 四一三

卷一百八十五 列傳第一百一十二 將軍七 四七五

卷一百八十六 列傳第一百一十三 將軍八 四九五

大日本史

七十二

第一百七十二卷

列傳

新田義貞

第一百七十三卷

列傳

新田義顯 脇屋義助

大日本史卷之一百七十二

列傳第九十九

權中納言從三位源光圀 修

男權中納言從三位綱條 校

玄孫權中納言從三位治保重校

新田義貞

新田義貞稱小太郎

○印本尊卑分脈作太郎、增鏡作小四郎、蓋誤

上野新田郡人、源義家十世孫也、義家子義國、生義重、義重生義兼、義兼生上西門院藏

人義房、義房生政義、政義生政氏、政氏生基

氏、基氏生朝氏、朝氏生義貞、世食新田郡世

良田等邑、因爲新田氏、

尊卑分脈、世良田據太平記、

元弘

三年春、車駕狩隱岐、護良親王據吉野山、楠

正成城于劔破山、竝集兵圖恢復、北條高時

分遣兵士攻之、護良敗走、乃專力改正成、時

義貞從軍于千劔破、而竊蓄歸順之志、密謀

家臣船田義昌曰、昔者源平在朝、互相鎮制、

我家資世將、躬膺族望、以失勢故、爲他所驅

迫、豈吾本志也、頃來相模入道舉動縱肆、自
速滅亡、今欲舉兵討彼、除宸憂以振家聲、可
爲之時也、然事非有所稟不可、如聞大塔宮
匿在傍近山中、汝其能爲吾得其令旨乎、大
塔宮卽護良也、義昌乃以計請而得之、其文
一倣綸旨制、曰、敷化而理萬國者、明君之德
也、撥亂而鎮四海者、武臣之節也、頃年北條
高時蔑如朝憲、恣振逆威、積惡之至、天誅已
顯、爰欲安宸襟、將舉義兵、歡感尤深、抽賞何

淺宜早運征伐之策底靜謐之功

○按親王賜書宜稱

今旨而用綸旨體可疑據增鏡此時護良數
發間使于船上行在其賜義貞書承制所為
未可證姑從本書文義貞大悅明日遂稱病

還本國日會宗親子弟謀誅北條高時夏高
時兵敗于京師於是增發大兵調糧郡縣以
世良田素多豪富特課以錢六萬限五日遣
吏催督里民斂率太急義貞執而梟之高時
大怒將移兵來攻義貞乃與弟義助率大館
宗氏及子幸氏氏明氏兼堀口貞滿及弟行

義、岩松、經家、里見、義胤、江田、行義、桃井、尚義、等百五十人、舉義生品祠前、建中黑旗、拜讀、令旨、出兵笠懸野、至日暮、族人大井田、經隆、及里見、鳥山、羽川氏等、率兵二千人許、自越後至、義貞驚且喜曰、今日之事、未暇相報、諸君何緣速來、經隆伏鞍對曰、前四日有人徇越後言、公奉敕舉兵、是以急裝就途、料遠郡枝屬相繼至也、言未畢、越後甲斐信濃諸源兵五千餘人亦來會、進至武藏上野下野上

總常陸武藏兵士不期來集衆已二萬餘人

本書作二十萬聲勢大振與北條高時將櫻

田貞國戰入間河一日三十餘合明日又戰

久米川貞國敗走分陪高時遣弟泰家將兵

佐之義貞進攻大敗退保掘金會相模人三

浦義勝○大知和家譜作義行未孰是率兵六千餘人來

屬義貞厚禮之詢以軍事義勝對曰天下兩

分英雄迭起固當數相勝敗而終始之勢必

在天心所與公之事何患不濟幸以僕兵加

公衆請促進戰、義貞曰、彼新來氣銳、以我疲
兵、恐難犯其鋒、義勝曰、明日之戰、僕爲公保
必勝也、夫戰勝而將驕、卒惰、武信君之所以
敗、昨遣間覘敵、其將驕甚、此將踐宋義之言
也、僕請以手兵爲公前行、義貞從之、明早義
勝爲先鋒、卷旗徐前、義貞繼之、三面薄攻、敵
兵驚潰、北條泰家僅以身免、小山秀朝千葉
貞胤破高時、別將金澤貞將于鶴見、鶴見據
梅松論
義貞兵勢益盛、進次關戸、一日、乃分軍爲三、

義貞義助道假糴坂、堀口貞滿大島守之。

金○

勝院本太平
記作義前

道臣福呂坂、大館宗氏江田行

義道極樂寺坂、行焚民居、迫鎌倉。一日一夜、
六十五戰、義貞與堀口貞滿竝捷、入于山内、
大館宗氏進攻極樂寺坂、敗死、部兵潰散、義
貞乃率精兵二萬、夜循間道赴極樂寺坂、賊
兵數萬固守坂上、柵絕蹊要、多列戰艦于海
岸、軍不得輒過、義貞乃下馬、臨海免胄、伏禱
曰、天子方爲逆賊所迫、播遷西土、臣義貞敢

執斧鉞、深入賊地、志在靖國難而匡王化、伏
祈八部龍神、鑒臣忠赤、使得卻潮通道、解所
佩金裝刀、投之海中、及曉潮退、沙露二十餘
町、戰艦皆隨漂去、義貞大悅曰、貳師刺山得
泉、神功投珠卻潮、和漢千古之異、我今值焉
大呼麾衆、直入鎌倉、守坂賊兵駭愕、不及赴
拒、江田行義堀口貞滿諸軍相踵競進、所在
放火、風適怒甚、府第延燒、婦女叫號、騰藉煙
焰之中、衆乘勢四面攻鬪、殺戮無數、北條高

時遂逃葛西谷、舉族自殺、自師出至此、凡十
有五日、鎌倉平矣、乃馳使者三輩、奏捷行在、
義貞仍居鎌倉、捕誅北條高時子邦時、及狩
野重光等、窮索黨與、撫納降附、威望日隆、八
州豪傑莫不聽命焉、時帝從隱岐、幸船上山、
以王師復京也、議將還闕、羣臣以北條高時
未亡、諫之、不聽而發、比駕次兵庫、義貞報適
至、帝大喜、授使者官、授官據天正本遙授義貞左馬
助、建武元年入朝、敘從四位上、任左兵衛督、

○義貞為左兵衛督、在今茲與明年不詳、姑係于此、兼播磨守、管上野

播磨二國守護

○按是歲赤松則村為播磨守護、不應一國同時置兩守

護、據本書則村尋禰守護職、則授義貞蓋在此時也、今姑從舊文、

宿衛京師

帝方寵任足利尊氏、聽信其言、

太平

執護良

親王付于尊氏弟直義、幽之鎌倉、義貞與尊

氏同宗、嘗因微嫌不相諧、尊氏固蓄異圖、心

憚義貞、每謀除之、未有發也、

參取太平記、梅松論、

二年

秋

二年據天正本

北條時行兵襲鎌倉、直義害護良

而出走、朝廷未知之、更遣尊氏討時行、尊氏